

Cartulaire de Marmoutier pour le Perche (N.-D. du Vieux-Château Collégiale de St-Léonard de Bellême et Prieuré de St-Martin-du-Vieux-Bellême), Nr. 233

Frogerus, Dei gracia Sagiensis episcopus, omnibus Sancte Matris Ecclesie filiis imperpetuum. Noverit universitas vestra quod Galerannus de Pinu confessus est in presencia mea sese injuste reclamasse presentationem ecclesie Sancti Audoeni de Pinu adversus Roullandum priorem de Belismo, et quod idem Galerannus remisit in manu mea ecclesie Sancti Leonardi de Belismo et prefato priori quicquid juris se dixerat habere in memorata ecclesia de Pinu, fide corporaliter prestita in manu mea quod ipse in eadem ecclesia de Pinu nichil unquam reclamabit. Testibus : Johanne, Oximense archidiacono, Thoma de Sancto Paulo, Odone de Orgeriis, Osberno decano, Oderello, Alberto, Gervasio de Marcheineir, Johanne capellano de Pinu.